

KJKP "RAD" d.o.o. SARAJEVO

-DIREKTOR-

Broj: 05-03-04- /19

Sarajevo, 20.03.2019. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku usluga obavljanja predrevizorskih radnji i revizije finansijskih izvještaja

I

Kao najpovoljnijeg ponuđača za nabavku usluga obavljanja predrevizorskih radnji i revizije finansijskih izvještaja, odabiram ponudu ponuđača "GRANT THORNTON" d.o.o. Banja Luka.

OBRAZLOŽENJE

KJKP "RAD" d.o.o. Sarajevo je dana 11.03.2019. godine, u skladu sa Rješenjem Ureda za razmatranje žalbi BiH broj JN2-03-07-1-142-7/19 od 07.03.2019. godine, na portalu javnih nabavki BiH objavilo Ispravku Obavještenja o nabavci kroz konkurentski zahtjev sa objavom obavještenja i izmjenjenom Tenderskom dokumentacijom za izbor najpovoljnijeg ponuđača za vršenje usluga obavljanja predrevizorskih radnji i revizije finansijskih izvještaja, sa rokom dostave ponuda 18.03.2019. godine.

Po konkurentskom zahtjevu za nabavku pristiglo je pet (5) ponude i to ponude firmi „GRANT THORNTON“ d.o.o. Banja Luka, „MERFI“ d.o.o. Sarajevo, „RECONS“ d.o.o. Sarajevo, „BAKER TILLY RE OPINION“ d.o.o. Sarajevo i „BDO BH“ d.o.o. Sarajevo.

Komisija za nabavku je u toku provođenja konkurentskog postupka i nakon pregleda pristiglih ponuda utvrdila sljedeće:

- Ponuđač „MERFI“ d.o.o. Sarajevo je dostavio dokaz o uredno izvršenim ugovorima u posljednje dvije godine, gdje je predmet ugovora eksterna revizija finansijskih izvještaja, u formi spiska izvršenih ugovora, koji nije potpisan i ovjeren od strane ovlaštene osobe ponuđača. Referenc lista, kao i svaki drugi dokument - dokaz koji se dostavlja u ponudi mora biti potpisan i ovjeren od strane ovlaštenog lica ponuđača, u skladu sa članom 58. Zakona o javnim nabavkama BiH, te je stoga ova ponuda ocijenjena kao nepotpuna;
- Ponuđač „RECONS“ d.o.o. Sarajevo nije u svojoj ponudi dostavio izmjenjenu Izjavu ponuđača, iako je ista izmjenjena i objavljena na Portalu javnih nabavki BiH dana 13.03.2019. godine te tako bila dostupna svim ponuđačima, o čemu su obaviješteni putem Portala javnih nabavki BiH. Ova ponuda je ocijenjena kao nepotpuna.
- Ponuđač „BAKER TILLY RE OPINION“ d.o.o. Sarajevo je u Obrazcu za cijenu ponude naveo rok izvršenja usluga od 4 dana, dok je u Nacrtu Ugovora koji je dio ponude naveo da je rok izvršenja usluga 15 dana te time doveo u zabludu Ugovorni organ. Naime, budući da je rok izvršenja usluga

bio jedan od kriterija za ocjenu najpovoljnije ponude, a da je ovaj ponuđač doveo Ugovorni organ u zabludu stoga je ova ponuda ocijenjena kao neprihvatljiva.

- Ponuđač „BDO BH“ d.o.o. Sarajevo u svojoj ponudi nije dostavio dokaz da je uredno izvršio najmanje jedan (1) ugovor u posljednje dvije godine čiji je iznos srazmjeran procijenjenoj vrijednosti nabavke, gdje je predmet ugovora eksterna revizija finansijskih izvještaja, u formi spiska izvršenih ugovora, a koji je zahtjevan tačkom 11.2.g) Tenderske dokumentacije. Naime, ponuđač je dostavio samo traženu potvrdu o urednom izvršenju ugovora bez spiska izvršenih ugovora iako je tačkom 11.2.g) jasno zahtjevano dostavljanje iste te je stoga ova ponuda ocijenjena kao nepotpuna.

Ponude ovih ponuđača su ocijenjene kao nepotpune i neprihvatljive te nisu uzete u dalje razmatranje.

Komisija za nabavku u toku daljeg provođenja postupka javne nabavke, nakon detaljnog pregleda ponude ponuđača „GRANT THORNTON“ d.o.o. Banja Luka, utvrdila da je ponuda ovog ponuđača potpuno prihvatljiva obzirom da je dostavio svu potrebnu dokumentaciju zahtjevanu Tenderskom dokumentacijom te daje preporuku Ugovornom organom da donese Odluku u skladu sa prijedlogom Komisije.

Obzirom da se radi o konkurentskom postupku javne nabavke kojim je previđeno sklapanje Okvirnog sporazuma sa jednim ponuđačem a da je broj prihvatljivih ponuda jedan (1), od strane Komisije utvrđeno je da je zadovoljena stvarna konkurencija i daje preporuku Ugovornom organu da ponudu ponuđača „GRANT THORNTON“ d.o.o. Banja Luka prihvati kao potpuno prihvatljivu.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP „RAD“ d.o.o., u pisanoj formi u roku od 5 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**v.d. DIREKTOR KJKP „RAD“
Selim Babić dipl.ing.grad.**

DOSTAVITI:

- Ponuđačima;
- a/a